

寶雞金臺觀懷古

拂去征塵上翠巔金臺觀裏謁金仙前朝兩詔猶存石隔岸三
峯遠插天丰口丹爐烹日月一條藤杖卓雲煙未知駕鶴遊何
處信是逍遙不計年

又

七載中書宦未成歸途猶幸拜先生殘春欲醒黃梁夢古洞如
遊白玉京天子尚難親道貌微官何苦老征塵下山薄暮頻回
首恍見飛龍上太清

張其相

號松亭樂山縣人庠生

道藏輯要

三丰全集

古今題贈

七

續畢集十

川上

三丰樓懷古

曾讀明史方伎傳丰公仙蹟多奇幻不飾邊幅任天然一衲一
蓑無改換遊蹤偶爾寓金臺自言當逝脫塵埃蓋棺有聲啟復
活逍遙得得來西蜀前不見洪武後不見永樂緣何獨謁蜀獻
王秀才奇遇增輝光洪武呼獻王為蜀秀才二仙菴壁留墨妙龍蛇倒縮
精神肖清風吹入漢嘉來高標擲筆更奇哉遊戲人間或隱現
神龍首尾那全見況復日行千里餘誰能追逐候起居胡給事
朱內侍枉齋璽書與香幣荒徼遍尋總不遇詎知仙蹤到處留
士夫欽仰樂潛修平易近人人常接不向宣室問前席至今遺
像肅樓中大耳圓目下頤豐鬚髯如戟神如鏡任人祈禱聲相

應一辨心香供祖前何時親指道中元

王筠

字竹蓀樂山縣人

福泉山張三丰自寫真容石刻

仙風道骨畫中呈塵尾飄然氣象清茗椀香爐長侍側三花聚

頂見先生首戴仙花故云

董江

字醒凡號洗凡居士墊江人

醒凡既妙絃歌又工書畫嘗臨三丰先生真容則以瑤琴三疊玉笛一枝遙想絕世超凡之致

張三丰觀潮處在遵義府烏江上

道藏輯要

三丰全集

古今題贈

三

讀畢集十

大海翻身不計年路人猶自說神仙江山到此無塵垢邱壑棲
遲有夙緣隔岸煙鐘初度嶺當門雪浪欲掀天遙知靜坐觀潮
日勝讀南華秋水篇

楊鍾濤

字春平號復淳樂山縣人上舍生

胡給事訪張三丰

元鶴飄然下乾坤間氣鍾幣書承帝命雲水訪仙蹤踏破空明
界飛吟縹緲峯一肩擔日月兩眼認喬松笠屐拚千里煙霞歷
萬重觀應金碧住宮合玉清逢十載風塵涉三山石洞封歸來
遺響在派衍果猶龍